

Exercise: storyline

Ang pamilyang Delos Reyes ay binubuo nina Mario, 55, Juliana, 52, at Jillian, 25. Komportable ang buhay nila: may sarili silang bahay, at maayos ang trabaho ni Mario. Si Juliana ay hindi na lumabas ng bahay simula noong ipinanganak niya si Jillian noong 1994 dahil kailangan niya pang magpaalam kay Mario para makalabas.

Si Jillian ay lumaking hindi malapit sa kanyang mga magulang, pero 'di hamak na mas kumikiling siya sa kanyang Mommy dahil naaawa siya sa Mommy niyang tila alipin ng kanyang Daddy. Istrikto kasi ang Daddy. Talagang pinaparamdam ng Daddy niya na siya lang ang dapat masunod sa bahay nila. Kahit si Jillian, kailangang magpaalam para makalabas ng bahay hanggang noong high school, at never sinuportahan ng Daddy niya ang kanyang pangarap mag-Theater Arts noong college, kahit na pinag-workshop siya ng kanyang Mommy noon sa mga theater companies. Ang ending, nag-BS Psychology siya noong college. Mabuti nga na pinayagan siyang mag-dorm noong college dahil sa Quezon City siya nag-aaral at sa Bulacan sila nakatira.

Gustong makawala ni Jillian sa Daddy niya, kaya siguro naghanap siya ng mas nakakatandang boyfriend sa isang dating app noong 2019 habang na sa night out sa Quezon City siya. Doon niya nakilala si Kristof, isang 39 taong gulang na freelance singer-songwriter. Matapos ang isang buwang ligawan, naging sila. Bawal magkaroon ng boyfriend si Jillian hangga't wala pa siyang trabaho, pero sa pananabik sa isang relasyon, nagsinungaling si Jillian sa isang Sabado na paglabas noong nakatira na siya ulit sa mga magulang niya. Imbis na pumunta sa kaibigan, pumunta siya sa apartment ni Kristof sa Quezon City. Nauwi sa pagsisiping.

Noong pumasa sa board exams for psychometricians si Jillian, nalaman niyang buntis siya. Masaya siya noon dahil alam niyang matutuwa ang kanyang Mommy, ngunit takot siya dahil alam niyang madidismaya ang kanyang Daddy. Tinago niya ito, at pinaplano niyang sabihin ito isang linggo pagkatapos ng oath taking.

Noong araw ng oath taking, napag-usapan ang mga nabigong pangarap ni Jillian sa bahay. Nasabi ng Daddy niya na kung nag-Theater Arts si Jillian, wala siya sanang lisensiya. At iniulit ni Mario na hindi pwedeng magka-boyfriend si Jillian hangga't wala siyang trabaho. Sa inis ni Jillian

ay nag-walk out siya. Nagkaalitan ang kanyang mga magulang. Naunang umalis si Juliana sa kuwarto, tapos sumunod si Mario.

Lumabas si Jillian sa kuwarto niya at tinawagan si Kristof, at kinuwento ang mga pangyayari. Binaba ni Jillian ang telepono nang mag-away sa kuwarto ang mag-asawa. Umalis si Mario, tinawagan ulit ni Jillian si Kristof at nalaman niyang papunta ang nobyo sa bahay nila. Nang nakarating si Kristof sa bahay, doon niya sinabi sa nobyo na buntis siya. Nang lumabas ng kuwarto ang Mommy niya, pinakilala ni Jillian si Kristof, ang kanyang nobyo na 15 years ang tanda sa kanya. Umuwi ang Daddy niya, at pinakilala si Kristof. Sinabi ni Jillian sa mga magulang niya na buntis siya. Natuwa ang kanyang Daddy, pero nagalit ang kanyang Mommy. Nagkasagutan sina Jillian at Juliana. Hindi maawat ni Mario ang kanyang mag-ina, at nanahimik lang sa tabi sa Kristof, nagulat sa mga pangyayari.

Sa sobrang galit ng Mommy niya, pinalayas at tinakwil si Jillian ng Mommy niya. Sa sobrang galit at tampo ni Jillian sa kanyang Mommy, tinapon niya sa basuhan ang graduation gift ng Mommy niya sa kanya na kwintas na "smile".

Tumira si Jillian sa apartment ni Kristof hanggang siya'y manganak.